

A PITA GÃN NA DE NIE

I Maa Pita na ı a Yesu Kırısto nıtõnãa le sere a gãn nyã korɔ a yın a Nãanmın na chel ir a yı ı sãanba yẽyel ka a wer pɔ, na yı be a Pontus, nı Galatiya, nı Kapadosiya, nı Asiya, nı a Bitiniya.

II A Sãa Nãanmın den nie bõɔ yı, ka a wɔ Sıe oo yı, a yı ı cheche, yın wõnõ a Yesu Kırısto toor jũu, ka wɔ mır yı a wɔ jãı. Wãefɔ nı nyã'maar na dɔɔɔ yın taa.

III Pɛefɔ wɔ ta a Nãanmın na ı a sı Soro Yesu Kırısto Sãa! A wɔ nıbaal berma naa, ka wɔ dɔɔ sı dɔɔ paalaa, na wɔ kɔ sı tiertɔ vor tu a Yesu Kırısto won sãı a kũu pɔ,

IV nı a nãbomo ala won bin gun sı be a saaju, a ba were ε, a ba sõonõ ε, bu jɔɔɔ ε.

V A tu naa yı sɔɔfɔ pɔ, ka a Nãanmın Kpẽɔ ger pɔɔ yı, ti tãn a bıbir baaraa 'lɔ a faafɔ 'lɔ na chɔɔr baar na wa nyı.

VI A anyãna pɔ le yı chıle yɔɔ jaa, an sɔɔ ı ıka yın din dɔɔye beer kaa burɔ burɔ pɔ.

VII A anyãna wa naa ka a yı sɔɔfɔ na kpẽme gar a selma na ı bõsõonãa ban ma dɔɔl bũu pɔ ir a deer bar. A yı sɔɔfɔ na lieb ı pɛefɔ, nı tur, nı 'yõɔfɔ a sõɔ 'lɔ a Yesu Kırısto na wa nyı.

VIII Yı gba na ba nye wɔ ε, ti na yı nõ wɔ. Yaa gba nye wɔ a põpãanyã ε, ti sɔɔ wɔ, na yı seen a pupel tur 'lɔ nıre na kõ tõɔ man ε.

IX Bojũu yı nyere naa a yı sɔɔfɔ bon na ı a yı sıur faafɔ.

X A faafɔ nyã 'yer le a Nãanɔmɔn 'ye'yerbe dɔɔ 'yer a wãefɔ nyã na wa a yi sɛ. Ba vier naa a faafɔ nyã na ba chɛpɛ wɔ jaa ne ne.

XI Ba mɔɔn nɔbir ɔka ba bɔɔ a sɔɔ nɔ a yelsɔ ala a Kɔrisɔto Sɛ na be a ba sɛ na wile ba, a le won 'yer a dɔɔye a Kɔrisɔto na di nɔ a tɔr ala na turo.

XII Nãanɔmɔn wiil naa a wɔ 'ye'yerbe banyãna ɔka a ba ɔ ba mãe 'yɔɔ le ba tɔnɔ a le ε, tɔ che yɔn 'yɔɔ le. A le ban 'yer a nyãna yɔn ben wɔnɔ a pɔpãnyã a bala na mɔɔlɔ a 'yer nɔɔ tu a Nãanɔmɔn Sɛ won tɔ a wɔ yi a saaju. A malakasɔ mɔ gba ta bɔɔɔ naa ɔka ba muul kaa a anyãna.

XIII A le jũu, yi chɔɔr a yi tier gun tɔmɔ, na yi nyɔɔɔ yi mãe. Yi de a yi tierɔ 'yɔɔ a wãefɔ 'lo a Yesu Kɔrisɔto na kɔ yi a wɔ waa daar.

XIV Yɔn wɔnɔ a Nãanɔmɔn toor jũu, yi taa le maala a kɔro mamaalbie ε, a le yɔn ba dɔɔ bɔɔ ε.

XV Tiche nitãa le a 'lo na bɔɔl yi na ɔ cheche, yi mɔ ɔ cheche a yi yelmaalsɔ a jaa pɔ.

XVI Bojũu a seb ɔka, “Yɔ ɔ cheche, bojũu n ɔn cheche.” *(Mosesɔ Gãma Na Tu Ata 19:2)*

XVII Yɔn ma bɔɔlɔ wɔ a yi Sãa, 'lo le na toor nɔre jaa 'yer, na waa turo ε, yi kpɔre a yi kpɛfɔ nitãa sãanba, na yi joro wɔ dãbãe.

XVIII Bojũu yi bɔɔn naa ɔka a ba ɔ bɔsɔɔnãa fɔka libir, bu selma le Nãanɔmɔn de yab den yi yɔn a yi sãakpãmɔne yelpɔrsɔ ala na lũ yi pɔ ε,

XIX tiche a ɔ naa a Kɔrisɔto jãɔ vɔla ala na ɔ a peraabile na ba tara chɛfɔ ε, bu jãne jaa ε.

XX Nãanɔmɔn ir wɔ naa tɔ wa bɔer maal a wer, tiche wɔ vɛn ka wɔ nyɔr a sɔɔ baaraa a yi jũu.

XXI A wɔ jũu lɛ yɪ sɔɔ de a Nãanɲmɪn na ir wɔ a kũu pɔ na wɔ kɔ wɔ tɪr, ka a yɪ sɔɔfɔ nɪ a yɪ tɪertɔ na be a Nãanɲmɪn 'yɔɔ.

XXII Põpãanyã yɪn chɔɔr a yɪ mǎɛ yɪn turo a yelmǎɛ jũu, yɪ nõnõ naa a yɛɛr sɪrɛ jaa. Yɪ nõnõ taa nɪ a yɪ nyãa wɔ jaa.

XXIII Bojũu yɪ nyɛn dɔɔ paalaa 'lo na ba ɪ bõkpiraa ɛ, tɪche wɔn ben be, na ba tu a Nãanɲmɪn 'yer na ɪ vɔr, na be be bɪbir jaa.

XXIV Bojũu, “Nɪsaal kaara naa fɪka mɔɔr, ka a ba tɪr wɔ jaa kaara fɪka a mɔpuul. A mɔɔr wa jɔɔl, a puul mɪ ma suor naa.

XXV Tɪche a sɪ Soro 'yer 'lo ben be bɪbir jaa.”
(*Isaiya 40:6-8*) A 'yer nyãna lɛ ba mɔɔl kɔ yɪ.

II

I A lɛ jũu, yɪ ir yɪ mǎɛ yɪn a yosɔɔ 'yer, bɛlfɔ, nɛɛr ayɪ tarfɔ, nyuur, nɪ kporfɔ jaa bɔrɔ pɔ.

II Yɪ kaara fɪka bɪpɪlɛ, na yɪ bɔɔrɔ a Nãanɲmɪn 'yer ka ɪ yɪ vɔlaa a bɪr kaar, a yɪn tɔɔ nɔɔ a yɪ faafɔ pɔ,

III bojũu an ɪ yɪ lɛm kaa lɛ a sɪ Soro na nõmõ.

IV An ɪ yɪ wa naa a wɔ sɛ na ɪ a Kɔsɪr vɔr a nɪsaal na tɔr bar, tɪche ka a Nãanɲmɪn ir wɔ a wɔ ɪ bõsõ,

V yɪn mɪ na ɪ fɪka a kɔsɪvɔɛ a ba mɛn yɪ, nɪ a Nãanɲmɪn yɪr ka yɪ ɪ a wɔ bɔɔrlo chechesɪ, na yɪ loro a wɔ bɔɔr wɔn sɔɔ tu a Yesu Kɪrɪsto 'yɔɔ.

VI A sɛb a Nãanɲmɪn gǎn pɔ ɪka, “Nyɛ, n bin a kɔsɪr be a Jiyon tɛɛ pɔ, a kɔsɪr vɪla 'lo ɪn kaa ir ka wɔ ɪ a kɔsɪr ju, ka nɪrɛ 'lo jaa na sɔɔ de wɔ, vǎ kõ di wɔ ɛ.”
(*Isaiya 28:16*)

VII Põpãanyã a yin bala na sɔɔ de wɔ, wɔ ɪn kɔsɪr sɔ̃. Tɪche a bala na ba sɔɔ de wɔ ε, “A kɔsɪr 'lɔ a mɪmɪɛrɛ na tɔr bar, 'lɔ lɛ ɪ a kɔsɪr ju,”
(*Yiel Gãn 118:22*)

VIII na, “Wɔ ɪ a kɔsɪr 'lɔ a nɪɛ na ŋmiere a gbɛɛ, na wɔ ɪ a pie 'lɔ ban bãra loro.” (*Isaiya 8:14*) Ba ŋmiere naa ba gbɛɛ bojũu ba tɔr naa a 'yer 'lɔ 'yɔ̃ɔ a Nãaŋmɪn na dɔ̃ɔ bin ba.

IX Tɪche yɪn 'lɔ, Nãaŋmɪn lɛ ir yɪ a yɪ ɪ a wɔ bɔɔrlo nãmɪne, na yɪ ɪ nɪchechesɪ, na yɪ ɪ a Nãaŋmɪn sofo, ka yɪ na pɛɛɛ wɔ, an ɪ 'lɔ lɛ bɔɔl yɪ yɪn a libe pɔ waan a wɔ chãa herete pɔ.

X Yaa dɔ̃ɔ ɪ a wɔ nɪɛ ε, tɪche põpãanyã yɪ ɪ naa a Nãaŋmɪn nɪɛ. Yaa dɔ̃ɔ tara a Nãaŋmɪn nɪbaal ε, tɪche põpãanyã yɪ tara wɔ naa.

XI N barmɪne, n sɔɔɔ yɪ naa nɪtãa nɪyɔɔrsɪ nɪ sãanba ka a wer pɔ ɪka, yɪ ir yɪ mãɛ yɪn a ãgãn volaa na ma jɛɛɛ nɪ a yɪ sur.

XII Yɪ kpɪɛɛ vɪla a bala na ba puoro sɛ̃, ban sɔɔ gba kperɛ yɪ ɪka dɛɛr lɛ yɪ maala, bala wa nyɛ a yɪ vɪla maalfɔ ban 'yɔ̃ɔn Nãaŋmɪn tɪr a wɔ waa bɪbir.

XIII A sɪ Soro jũu, yɪ siir yɪ mãɛ kɔ a tɔ̃ɔfo dɛ̃me, ala sɔɔ ɪ a nãkpɛ̃ɛ 'lɔ lɛ,

XIV bu a nãbil bala won ir bin a tɛ̃n tɛ̃n ka ba kpãana a bala na maala dɛɛr tɪ pɛɛɛ a bala mɪ na maala a lɛ na tor.

XV Bojũu Nãaŋmɪn bɔfo lɛ ɪka yɪn maala vɪla na yɪ pɔɔ a ba bɔ̃ɔ dɛ̃me na ɪ a jɔ̃lɔ nɛɛr.

XVI Yɪ kpɪɛɛ nɪtãa sumɪne, tɪche yɪ taa de a mãɛ sofo nyã pɔɔn yelbier ε, tɪ yɪ kpɪɛɛ fɪka Nãaŋmɪn gbãgbaar.

XVII Yı 'yõõnõ nıre jaa na yı nõ a yı taa Yesu turbo, na yı joro Nãanmın dãbãe, tı 'yõõnõ a nãa.

XVIII Gbãgbaar, yı siir yı mãe kũ a yı tõnbõ nı 'yõõfõ, a ta ı a bala na bal nıbir maala yı vıla tẽe ε, tıche a bala mı na kpẽme a nıbir.

XIX Bojũu a Nãanmın na maal vıla kũ nıre 'lo na tara tıer vıla, na wõ di dõõye na ba tara sõr ε, bojũu wõ tara na Nãanmın tıer.

XX Tıche bo le na ı a yı tõnõ, ala ı ba ñme yı naa yın tõ dẽer jũu? Tıche ala ı yı din dõõye yın maal vıla jũu, an ın tõnõ kũ yı Nãanmın niem.

XXI A anyãna jũu le a Nãanmın bõol yı, bojũu Kırısıto mı dõõ di dõõye, na wõ maal wiil yı ıka yı turo a wõ pala.

XXII “Ka waa dõõ maal dẽer jaa ε, bu ka belfõ yı a wõ nẽe põ ε.” *(Isaiya 53:9)*

XXIII A le ban dõõ turo wõ, waa mı tũ yaa a sãn ε. A dõõye na põõ wõ, waa jo dãbãe ε. Tıche wõ den a wõ mãe kũ a Nãanmın na tõõro a 'yer jaa dẽ dẽ.

XXIV A wõ mãe le tuo a sı yeldebe a wõ ãgãn põ a daa ju, ka sı mı na kpi kũ yelbier tı be be kũ yeltorsı. A wõ fele ala jũu le sãa sı.

XXV Na yı kaara fıka piir na dõõ bõro, tıche põpãanyã yı lieb wa a pechine na kaara a yı sıur sẽ.

III

I Põõõ, a le nı wõ ju mı le, yı sıur yı mãe kũ a yı sırbẽ. Bamıne baa sõõ puor ε, tıche a yı befõ na tõõn lieb a ba tıer a ba puoro,

II bala wa nyẽ a le a yı maalfõ na ı vıla, nı le yın 'yõõnõ a yı mãe.

III Yı ta vĕ ka a yı vıla ı a yõ pãefo tɛɛ ɛ, nıtãa a ju wobfo, selma bõjorɪ yarfo, nı a fɔnıbıkpãen sɛfo ɛ.

IV Tıche yı vĕ ka a yı pãefo be pɔɔm na ba juɔɔ ɛ, na ı vıla, he le le le, nı jomm, ala le ı vıla a Nãanmın niem.

V Bojũu nıtõnõ le a mama pɔɔsõn bala na tara a Nãanmın tıer ma maal a ba mãe vıla. Na ba sɔɔ turo, na ba sıɪ ba mãe kɔ a ba sıɪbe.

VI Le mı le a Saara na dõɔ wõnõ a Abraham toor na wɔ ma buɔɔ wɔ a wɔ soro. Yın le ı a wɔ bibiir, ala ı yı maala na a le na vıele na yı kõ joro dãbãe ɛ.

VII Sıɪbe a le nı wɔ ju mı le, yı tıere a yı pɔɔɔ yın lõɔ kɪere nı. Yı kaara ba nı 'yõɔfo, bojũu baa tara kpãen jã yı ɛ, tı na ba pɔɔ yı a Nãanmın wãefo kɔfo 'lɔ na ı nyevɔɪ, ka bon jaa taa var a yı Nãanmın sɔɔrfɔ ɛ.

VIII A 'yer baaraa le a anyã, yı jaa yı tara tıer bõ'yen, na yı kaara taa nıbaal, na yı nõ taa maala vıla kɔɪ taa nı mãe siirfo.

IX Yı ta de yelbier yãan yelbier sãn ɛ, bu tɔbir yãan tɔbir sãn ɛ, tıche yı 'yer nevıla 'yõɔ ba, bojũu a anyã 'yõɔ le a Nãanmın buɔɔ yı ıka yın nyen sõɔfo.

X Bojũu, "Ala ı nıɪe nõn nyevɔɪ na wɔ buɔɔɔ bıbıvıelsı wɔ ıɪ wɔ nɛɛ yın 'yerdeɛr nı belfɔ pɔ.

XI Wɔ heɔ puor 'yõɔ yelbier tı maala vıla, na wɔ buɔɔɔ nyã'maar joro turo a wɔ puor.

XII Bojũu a sı Soro kaara naa a bala na tor, na wɔ wõnõ a ba sɔɔrfɔ. Tıche a sı Soro pɔɔ ma sõɔ naa nı a bala na ma maala yelbier." (*Yiel Gãn 34:12-16*)

XIII An le na ge yi ala ı yi mōo nıbir maala vıla?

XIV Tıche ala ı yi gba din dōoye yın maala vıla jūu, Nāanmın na sōo yi naa. “Yı ta joro dābāe nı a ba vuurfō ε. Yı taa joro dābāe ε,” *(Isaiya 8:12)*

XV Tıche a yi nyān pō, yi 'yōōnō a Kırısto na ı a yi Soro. Na yi ma chōor sōo jaa ala ı nıre wa sūr yi naa a tıertō 'lo yın tara, tıche yi ma man naa jomm nı 'yōōfō,

XVI na yi vē ka a yi tıer chaar, ka a bala na sōōnō a yi yuor yın turo a Kırısto jūu, ka vā na kpe ba, nı a ba yosōo 'yer.

XVII An ın vıla ala ı Nāanmın bōfō le, yın di dōoye vıla maalfō jūu, gar yın na di dōoye dēer maalfō jūu.

XVIII Bojūu Kırısto kpi naa a yi yelbier jūu gbebō'yen tēε, a 'lo na tor kō a bala na ba tor ε, ıka wō waan yi Nāanmın sē. Ba kō naa a wō āgān, tıche ka a Nāanmın Sıε sāt wō a kūu pō,

XIX a Sıε nyā le a Kırısto chiin a kpīi tēε na wō tı mōol kō a kpīisi bala na be a pōōfō die pō.

XX A banyāna le tōr a Nāanmın nēε, tıche ka wō di kānyir ka a Nowa wa maal a daka bulomtum baar. A nıbe bālāa na ı aniin tēε wa nyen faafō a kōō pō.

XXI A kōō nyā nyetāan fıka a Nāanmın kōō sofo na faa yi mı a pōpānyā, a ba ı āgān dēer pēε barfō le ε, tıche a nēε yın tır kō Nāanmın nı pōtıvıla. Yı nyen faafō tu a Kırısto kūu ırfo pō.

XXII 'Lo le do a saaju tı jānε, a Nāanmın nūsōo jie ka a malakası, nı a tōōfō dēme, nı a kpāen dēme ba jaa turo a wō nēε.

IV

I A le jūu, a Kırısto na di dōoye a wō āgān pō, yī mī su a tājebonsi ala gun a tīer 'lōnō, bojūu a 'lō na di dōoye a wō āgān pō ba le pōo yelbier pō ε.

II Ala le so, wō ta le kpiere a wer pō nī a āgān volaa ε, tiche wō kpiere a le a Nāanmın na bōoro.

III Bojūu a kōro jaa, yī mī sōon sōo na yī maala a le a bala na ba puoro ε, na maala, na baa tōoro a ba māe nyōoro ε. Ka a āgān volaa, nī dāburo, nī a pepe dib, na yī pōo a dānyurbo gbul pō, na yī maala tibe na sōonō a Nāanmın neε.

IV Ban tīer naa ūka yelsāan le, yīn ba le pōo ba a befo 'lōnō pō ε, ka ba pāa piel tōro yī.

V Tiche ban man a ba neε 'yer kō a Nāanmın na wa tōor a vōe nī a kpīisi 'yer.

VI A anyāna jūu le so ka ba gba mī mōol a 'yer nōo kō a kpīisi, ūka ban tōor a ba 'yer nitāa le ban na tōor nire jaa 'yer, tiche ka ba kpiere a sur pō Nāanmın kaar.

VII A bonsi a jaa baarfō tara naa, a le jūu yī mōo nıbir na yī kpāa a yī māe tōo sōoro Nāanmın.

VIII A ala na gar a jaa le a anyā, yī chene vē ka a nōfo be a yī pō, bojūu nōfo ma pōon yeldebē yōo.

IX Yī ma diere taa a yī yie tī ta ma ire gburō gburō ε.

X Isoo jaa wō de a Nāanmın kofō won nye tōnō korō nī a wō taaba nī yelmāe nī a Nāanmın wāefō a jaa.

XI Ala ū nire jaa 'yere na, wō 'yere a Nāanmın 'yerie ala. Ala ū wō ūn tōtōnō, wō tōnō nī a kpēo 'lō a Nāanmın na kō wō, ka a yele a jaa pō, ka

Nāanm̄n n̄yε t̄ur tu a Yesu K̄r̄is̄to p̄o. 'L̄o l̄ε so a t̄ur n̄i k̄p̄ε̄o b̄ibir b̄ibir jaa. A ι a l̄ε.

XII N̄ ȳεε̄r n̄ōn̄ōnb̄o, ȳi ta v̄ε̄ ka n̄εε̄ 'maa ȳi n̄i a b̄εε̄r kaa tuo na vulo ȳi f̄ika ȳels̄āan k̄ōo l̄ε ̄rε ȳi ε.

XIII T̄iche ȳi ch̄ule an ι ȳi p̄oo naa a K̄r̄is̄to d̄oōyε dif̄u p̄o, ka n̄ōo na k̄pε̄ ȳi a w̄o t̄ur wa nȳi.

XIV Ala ι ba t̄o ȳi naa ȳin b̄ool̄o a K̄r̄is̄to yuor j̄ūu, Nāanm̄n na s̄ōo ȳi naa, boj̄ūu Nāanm̄n S̄ie ben a ȳi 'ȳōo.

XV Ala ι ȳi din d̄oōyε, a ta ι f̄ika n̄ik̄or̄o, bu n̄ānȳie, bu n̄id̄εε̄r, bu t̄o'ȳōon̄b̄o l̄ε ȳi ι ε.

XVI T̄iche ala ι a ȳi ās̄oō jaa wa dire na d̄oōyε won turo K̄r̄is̄to j̄ūu, w̄o ta v̄ε̄ ka v̄ā k̄pε̄ w̄o ε, t̄iche w̄o p̄εε̄rε Nāanm̄n a yuor nȳā won di j̄ūu.

XVII Boj̄ūu a 'yer t̄or̄f̄o s̄ōo ta naa, ka Nāanm̄n na piel t̄or̄o a w̄o n̄ibe 'yer. Ala ι s̄in l̄ε won piel, η̄m̄ine l̄ε an kaara k̄u a bala na t̄or a Nāanm̄n 'yer n̄ōo?

XVIII A s̄eb̄ ika, “Ala ι an ̄in k̄p̄ε̄o k̄u a n̄itor, η̄m̄ine l̄ε an kaara k̄u a bala na ba puor ε, n̄i a yelbe-̄r̄be?” *(S̄okpar Ḡān 11:31)*

XIX A l̄ε j̄ūu, v̄ε̄ a bala na dire a d̄oōyε a Nāanm̄n b̄of̄u j̄ūu, de ba m̄āε k̄u a Nāanm̄n yelm̄āε s̄oō na m̄ε ba, t̄i m̄ōo n̄ibir maala v̄ila.

V

¹ A maa na ι a n̄id̄iere naa n̄yε a K̄r̄is̄to d̄oōyε n̄i n̄ibir, naa m̄i ι n̄ire nȳā na p̄oō a t̄ur 'l̄o na wa nȳi, n̄ 'ȳōon̄ō na a n̄id̄ierbe na be be a ȳi p̄o ākp̄āen,

II ɪka ba kaara a Nāanɲmɪn piir a won de 'yɔ̃ɔ a yɪ nuur pɔ, na yɪ tɔ̃nɔ̃ kaara nɪ ba, a ta ɪ furfɔ ɛ, tɪche a ɪ yɪ bɔfɔ, bojũu le le a Nāanɲmɪn bɔɔɔ. A ta ɪ libie 'yɔ̃ɔ ɛ, tɪche ka a nɔ̃mɔ̃ yɪ a tɔ̃fɔ.

III Yɪ ta pɪrɪpɪre a bala yɪn kaar ɛ, tɪche yɪ ɪ jãne kɔ a piir.

IV A pɛchiin gbɔɔraa wa wa, yɪn nyen a sãyar na ɪ a tɪr na ba jɔɔl ɛ.

V Le nɪ wɔ ju mɪ le a yɪn bala na ɪ a pɔɔbil, yɪ siir yɪ mãe kɔ a yɪ nɪdierbe. Yɪ jaa jaa yɪ ma siir yɪ mãe na yɪ ma tɔ̃nɔ̃ kɔɔ taa, bojũu a seb ɪka, “Nāanɲmɪn 'laar a bala na 'mɔɔɔ a ba mãe, tɪ ma sɔ̃nɔ̃ a bala na ma siir ba mãe.” *(Sokpar Gãn 3:34)*

VI A le jũu, yɪ siir yɪ mãe a Nāanɲmɪn kpɛɔ sɔɔ nuur pɔ, ka wɔ 'mɔɔ yɪ a yɪ do a sɔ̃ɔ 'lɔ won bɔɔɔ.

VII Yɪ de a yɪ yelwɔ̃nɪ a jaa kɔ wɔ, bojũu 'lɔ le 'yɔ̃ɔnɔ̃ a yɪ tɔɔ.

VIII Yɪ gu yɪ mãe na yɪ 'yɔ̃ɔnɔ̃ jũmɔ̃, a yɪ dɔ̃sɔɔ tɪ kaara naa jukpɛɛ kaar, na uoro yɔɔɔ na wɔ pãa kaara bɔɔɔ nɪre ɪka wɔ nyɔɔ 'wɔb.

IX Yɪ var wɔ sɔɔ, na yɪ ba gber ara a yɪ sɔɔfɔ pɔ, bojũu yɪ bɔ̃ɔn naa ɪka a yɪ taaba na be a wer wɔ jaa, mɪ dire na a dɔɔye nyãna tɔ yɪn dire.

X Yɪn wa di a dɔɔye nyãna bãlãa a Nāanɲmɪn na ɪ a wãefɔ sɔɔ a 'lɔ na bɔɔl yɪ 'yɔ̃ɔ a tɪr nyã na ba tara baarfɔ pɔ a Kɪrɪsɪto 'yɔ̃ɔ, wɔ mãe na maal yɪ naa na wɔ 'yɔ̃ɔ yɪ ãkpɛɔ tɪ na wɔ vɛ a yɪ ara kpɛɔ kɔ̃ dãm ɛ.

XI 'Lɔ le so a kpɛɔ bɪbir nɪ bɪbir jaa. A ɪ a le.

XII Silasɪ na ɪ a yebe yelmãe sɔɔ le sɔɔ ma ka n seb a gãn bile nyãna, naa 'yɔɔn yɪ ãkpãen din dãasɪe ɪka anyãna le ɪ a Nãanmɪn sɪre wãefɔ. Yɪ ara kpẽɔ.

XIII A yɪ taaba pupuorbiir na be a Babilon Nãanmɪn na 'mataa ɪr yɪ, puor yɪ naa, ka a n bidaba Maakɪ mɪ puoro yɪ.

XIV Yɪ puor puor taa nɪ nõfɔ. Nyã'maar wɔ be a yɪn bala na be a Kɪrɪsɪto 'yɔɔ.

**A Nãanmun Nɛtur Oaala Gãn, Burfoor
Birifor, Southern: A Nãanmun Nɛtur Oaala Gãn,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772